

Plan di privatizacion pa oficina di turismo ta sigui

ORANJESTAD (AAN) -- Plannan pa privatiza Oficina di Turismo di Aruba ta sigui, y den esaki señor Tico Croes (ken ta asisti minister di finanzas) cu ta conoce gobierno hopi di cerca, a worde apunta pa mira con gobierno por bin cu un forma pa garantiza e fondonan pa ATA, como e prome paso cu mester tuma den e proceso.

Paralelamente na e fondonan lo bin henter e restructuracion di e organizacion riba su mes. Gobierno ta spera cu aki un of dos siman gobierno tin e formula caba pa presente den Consejo di Minister, y traha un concepto di ley si esaki ta necesario, y dje bay Parlamento pa duna ATA su status "Sui Generis" manera gobierno tin planea. Pues den e proceso aki e reorganizacion lo cana.

Poco tempo pasa e minister concerni a reuni cu e empleadonan di ATA, y a duna nan di conoce unda gobierno kier bay, y pakico e kier garantiza e fondonan menciona. Gobierno ta spera cu prome cu fin di aña full e proceso aki keda cla, y banda di dje garantiza e fondonan di manera cu, pa otro aña, na Januari "ATA lo ta den su bachi nobo".

Gobierno a pone algun punto basico den e reorganizacion di ATA, entre otro, cu Oficina di Turismo mester ta un departamento di mercadeo, esta "un marketing body".

Kiemen, cu ATA su tarea ta pa haci marketing pa Aruba. Banda di dje ta bin un departamento financiero chiquito

pa controla e presupuesto, y posiblemente un grupo cu ta maneja e aspectonan tecnologico nobo, manera webside, etc., etc.

Gobierno su punto di bista ta cu no mester bin cambio den e posicion huridico di e empleadonan si esaki no ta necesario, pero den e

restructuracion paden lo bay papia cu henter e staf, y si bin lugarnan habri den e estructura nobo e hendenan cu ta den dje for di prome, mester

tin e oportunidad di cubri cierto funcionnan cu lo bin acerca, y si no tin hende den ATA pa haci tal, gobierno lo busca expertonan di afo.

Mientraas no tin forma di busca cedula nobo na Aruba

Varios banco no ta acepta cedula cu a caduca

ORANJESTAD (AAN): Esaki ta un berdadero "Catch-22". Censo na Aruba no tin Cedula den stock pa emiti na pueblo.

Hopi hende ta canando cu Cedula cu a caduca, pero no por haya ningun nobo. Pa colmo awor algun banco local no kier atende clientenan cu bin cu Cedula cu a caduca.

Esey ta reclamo cu por a tende e dianan aki na Aruba. Pa colmo, bo tin di warda asina hopi den rij pa bo haya bo turno, y diripiente e clerk ta bisabo cu e no por acepta bo Cedula.

Esnan cu si tin Rijbewijs of Pasaporte, tin exito ainda. Pero que hubo di e ciudadanonan cu no tin Rijbewijs ni Pasaporte? Con nan por haci transferencia bancario e dianan aki?

Fuera di esey, ora bo bay Hospital tambe bo mester acudi cu bo carchi di AZV of Carnet di Hospital, hunto cu un ID-Valido. Si bo no tin cedula, lo bo confronta problema tambe.

E speranza tey cu instancianan concerni lo check e asunto aki pa alivia e retrazo formal di dunamento di

Cedula.

Gobierno kier bin cu un tipo di "Super-Cedula" pa pueblo di Aruba, cu ta contene tur informacion di e ciudadano,

incluyendo informacion di AZV. Hulanda a priminti di duna un man den esey, pero keto bay e proyecto aki ta tardando un mundo.

MAGIC FLEX MATRASSEN CO.

Informa pa nos **offerta** riba: Set di Matras y Box di tur size.

Pa Matras-nan Duradero - Matrasnan hopi confortabel -

Matrasnan bunita Fura cu

TELANAN DI BUNITA COLOR Y BORDA

Drecha bo **matras 1 pers. Afl. 75,-**

matras 2 pers. Afl. 110,-

Nos servicio ta: Busca mainta entrega atardi!!!

Pa mas informacion Tel: 583-5310 / 567-8358
Caya Betico Croes # 229

NOS MUNDO MODERNO!!



BEST DEAL

Tel: 827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 865455

6 Pc.
Stationary
Set
Afl. 4,95